



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU SAVEZA ZA BOLJU BUDĆNOST BIH - FAHRUDIN RADONČIĆ

Broj: 03-07-6-307/16
Sarajevo, 24.08. 2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1. NALAZI.....	6
5.2. PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Saveza za bolju budućnost BiH - Fahrudin Radončić za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Savez za bolju budućnost BiH - Fahrudin Radončić prekršio odredbe člana 4. stav (1), člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Saveza za bolju budućnost BiH - Fahrudin Radončić za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Savez za bolju budućnost BiH - Fahrudin Radončić se finansirao iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	42.252,42	2,54
2.	Prilozi fizičkih lica (3-a)	9.120,00	0,55
3.	Prilozi pravnih lica (3-b)	50.094,00	3,02
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	16.022,88	0,96
7.	Prihodi iz budžeta (3-f)	1.496.806,60	90,13
8.	Prihodi od propagande (3-g)	0,00	0,00
9.	Ostali prihodi	46.533,88	2,80
I	Ukupni prihodi (1-9)	1.660.829,78	100,00
II	Kreditno zaduženje kod banaka	0,00	0,00
	Izvori finansiranja (I+II)	1.660.829,78	100,00

U finansijskom izvještaju stranka je iskazala rashode u ukupnom iznosu od 1.071.713,73 KM.

2. PREDSTAVLJANJE POLITIČKE STRANKE

Naziv političke stranke je Savez za bolju budućnost BiH - Fahrudin Radončić. Skraćeni naziv stranke je SBB - Fahrudin Radončić.

Politička stranka je Rješenjem broj: 065-0-F1-09-000035 od 30.10.2009. godine registrovana kod Općinskog suda u Sarajevu, pod nazivom Savez za bolju budućnost Bosne i Hercegovine i skraćenim nazivom SBB BiH, sa sjedištem u Sarajevu, ulica Danijela Ozme broj 2. Rješenjem Općinskog suda u Sarajevu broj: 065-0-F1-10-000007 od 31.05.2010. godine, Rješenjem broj: 065-0-F1-11-000002 od 18.02.2011. godine i Rješenjem broj: 065-0-F1-14-000013 od 14.05.2014. godine je promijenjeno je sjedište i naziv političke stranke u Savez za bolju budućnost BiH - Fahrudin Radončić i skraćeni naziv SBB - Fahrudin Radončić.

Sjedište političke stranke je u Sarajevu, ulica Tešanjaska broj 24a.

Lice ovlašteno za zastupanje i predstavljanje političke stranke je Fahrudin Radončić, predsjednik stranke.

¹ Podaci su preuzeti iz korigovanog finansijskog izvještaja za 2015. godinu, čije je korekcije stranka Centralnoj izbornoj komisiji BiH dostavila 07.08.2017. i 11.08.2017. godine

Lice ovlašteno za podnošenje finansijskih izvještaja za 2015. godinu je Kanita Imamović.

Prema podacima iz godišnjeg finansijskog izvještaja za 2015. godinu, organizacionu strukturu Saveza za bolju budućnost BiH - Fahrudin Radončić čine:

- Centrala SBB - Fahrudin Radončić Sarajevo,
- 7 kantonalnih odbora SBB - Fahrudin Radončić,
- 58 općinskih/opštinskih odbora SBB - Fahrudin Radončić,
- Gradski odbor u Mostaru i
- organizacioni dio SBB - Fahrudin Radončić u Brčko distriktu BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Saveza za bolju budućnost BiH - Fahrudin Radončić za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Saveza za bolju budućnost BiH - Fahrudin Radončić obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica, ostale prihode, te utrošak sredstava u skladu sa članom 4. stav (1) ovog Zakona.

4. PRETHODNE KONTROLE I REVIZIJE

Služba za reviziju izvršila je pregled, kontrolu i reviziju finansijskih izvještaja Saveza za bolju budućnost BiH - Fahrudin Radončić u periodu od 2010. do 2014. godine, nakon kojih su izdati izvještaji o pregledu, odnosno izvještaji o reviziji sa mišljenjem revizora, nalazima i preporukama. Nakon izvršene revizije Godišnjeg finansijskog izvještaja za 2014. godinu, te nakon što je politička stranka dobrovoljno otkolonila nedostatke koji su otklonjivi, odnosno izvršila ispravke u svojim poslovnim knjigama, izdat je izvještaj o reviziji sa mišljenjem revizora, nalazima i preporukama stranci: da poslovne knjige vodi u skladu sa računovodstvenim propisima, odnosno da uspostavi potpune, tačne i blagovremene evidencije o svojim prihodima, rashodima i obavezama, da postupi u skladu sa svojim aktima, kojima su uređene procedure za isplate akontacija za troškove nižih organizacionih dijelova, te način i vrijeme za njihovo pravdanje, da finansijske izvještaje Centralnoj izbornoj komisiji BiH podnosi u skladu sa zakonima iz njene nadležnosti i da poštuje i druge propise, s posebnim naglaskom na propise koji regulišu blagajničko poslovanje.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Saveza za bolju budućnost BiH - Fahrudin Radončić nije ispoštovao date preporuke.

5. NALAZI I PREPORUKE

5.1. NALAZI

a) Savez za bolju budućnost BiH - Fahrudin Radončić je prekršio odredbe člana 4. stav (1) Zakona o finansiranju političkih stranaka².

Na osnovu poslovnih knjiga i finansijske dokumentacije političke stranke, te revizijskih dokaza pribavljenih iz eksternih izvora, utvrđeno je da značajan dio novčanih sredstva stranka nije koristila isključivo za ostvarivanje ciljeva utvrđenih svojim programom i statutom.

- (1) Uvidom u poslovne knjige stranke i blagajničku dokumentaciju, utvrđene su gotovinske isplate sredstava iz blagajne Centrale stranke, u iznosu 37.028,80 KM za nefakturisanu zakupninu, kako stranka navodi u svojim poslovnim knjigama.

Na nalogima blagajne, stranka je navela da su isplate izvršene za zakup prostora u Janji u iznosu od 2.200,00 KM, Modriči u iznosu od 1.500,00 KM, Tomislavgradu u iznosu 3.000,00 KM, Novom Gradu u iznosu od 3.000,00 KM, Hadžićima u iznosu od 2.400,00 KM, Goraždu u iznosu od 3.614,00 KM, Teočaku u iznosu od 600,00 KM, Sapni u iznosu od 150,00 KM, Jablanici u iznosu od 1.200,00 KM, Jajcu u iznosu od 1.509,80 KM, Donjem Vakufu u iznosu od 3.385,00 KM, Zvorniku u iznosu od 3.600,00 KM, Starom Gradu Sarajevo u iznosu od 7.020,00 KM i Stocu u iznosu 3.850,00 KM, bez navođenja zakupodavaca ili osoba kojima su sredstva isplaćena.

Nakon preliminarnog izvještaja o pregledu godišnjeg finansijskog izvještaja za 2015. godinu, u kome je ukazano na ove propuste, politička stranka se očitovala na nalaze revizije, navodeći da je u pitanju isplata na ime duga po osnovu neplaćenih zakupnina iz prethodnih godina, koje je stranka u junu 2015. godine, tokom revizije finansijskog izvještaja za 2013. godinu, bez knjigovodstvenih isprava unijela u svoje računovodstvene evidencije sa danom 31.12.2013. godine³, kao trošak zakupnine u 2013. godini i razgraničene rashode - nefakturisanu zakupninu, „da ne bi prekršila neku od zakonskih odredbi“, kako je navedeno u očitovanju na preliminarni izvještaj revizije⁴.

Nakon pomenutog očitovanja politička stranka je 10.08.2017. godine dostavila kopije potvrda, na kojima je upisala ime i prezime lica koja su primila sredstva i grad njihovog prebivališta. Uvidom u službene evidencije Centralne izborne komisije BiH, utvrđeno je da su na potvrdama kod tri lica navedeni netačni podaci o prebivalištu, a za osobu kojoj su isplaćena sredstva u iznosu od 7.020,00 KM na ime zakupnine za „SBB Stari Grad“, na osnovu potvrde nije moguće utvrditi identitet⁵.

Fizička lica koja je stranka navela u blagajničkoj dokumentaciji, da su gotovinski primila novčana sredstva u prethodno navedenim iznosima, Centralnoj izbornoj komisiji BiH su dostavila pisane izjave u kojima navode da im Savez za bolju budućnost BiH - Fahrudin Radončić u 2015. godini nije isplatio sredstva na ime zakupnine poslovnih prostora.

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

³ Suprotno odredbama člana 29. Zakona o računovodstvu i reviziji u Federaciji BiH, „Službene novine FBiH“, br. 83/09). Ako se poslovne knjige vode kao elektronski zapis, glavna knjiga se mora nakon zaključivanja na kraju poslovne godine zaštititi na način da u istoj nije moguća izmjena.

⁴ Stranka je troškove zakupnine evidentirala u poslovnim knjigama, kako bi osporila nalaze revizije navedene u Preliminarnom izvještaju o pregledu godišnjeg finansijskog izvještaja za 2013. godinu Saveza za bolju budućnost Bosne i Hercegovine, broj 03-07-6-336/14 iz juna 2015. godine

⁵ Politička stranka je potvrdila da uvidom u blagajničke naloge, odnosno potvrde o isplati, nije sigurna koje je ime i prezime osobe kojoj su isplaćena sredstva, te da to mora provjeriti.

Također, bitno je istaći i to da su organizacioni dijelovi Saveza za bolju budućnost BiH - Fahrudin Radončić u Općinama Jablanica, Hadžići i Donji Vakuf u 2013. godini koristili poslovne prostore, koje su im pomenute Općine dodijelile bez plaćanja zakupnine.

Na osnovu navedenog utvrđeno je, da sredstva u iznosu od 37.028,80 KM Savez za bolju budućnost BiH - Fahrudin Radončić nije isplatio osobama čija su imena navedena na blagajničkim nalogima, da sredstva nisu isplaćena na ime zakupnine, što nedvosmisleno ukazuje na činjenicu da sredstva stranka nije utrošila za ostvarivanje ciljeva utvrđenih svojim programom i statutom.

- (2) Politička stranka je za dnevnice i putne troškove isplatila sredstva iz blagajne u iznosu od 31.088,26 KM, te je iste u poslovnim knjigama prijavila kao dnevnice i putne troškove u zemlji. Međutim, na putnim nalogima pretežno su navedena putovanja u Crnu goru, Hrvatsku i Austriju, odnosno gradove Tivat, Zagreb i Beč. Na nalogima nisu navedene osobe koje je stranka slala na službena putovanja, iako su programom utroška sredstava predviđeni putni troškovi i dnevnice samo za osobe zaposlene u stranci. Također, putni nalozi nisu potpisani od strane osoba koje su primile sredstva za službeni put i obavile putovanja, niti isti sadrže izvještaj sa službenog puta, što ukazuje na činjenicu da sredstva nisu isplaćena u svrhu ostvarivanja ciljeva utvrđenih programom i statutom stranke.

b) Savez za bolju budućnost BiH - Fahrudin Radončić nije postupio u skladu sa odredbama člana 11., člana 12. stav (1) i (3) Zakona o finansiranju političkih stranaka⁶

Na osnovu obavljenog pregleda godišnjeg finansijskog izvještaja i finansijske dokumentacije utvrđeno je da politička stranka u značajnim aspektima nije vodila poslovne knjige u skladu sa računovodstvenim propisima⁷, značajne gotovinske transakcije su provedene i evidentirane na osnovu nevjerođostojne i nepotpune dokumentacije, evidencije o značajnom dijelu rashoda nisu uspostavljene ili su iste neblagovremene⁸ i finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka⁹.

- (1) Uvidom u blagajničku dokumentaciju Centrale političke stranke, utvrđeno je da je kroz naloge blagajne evidentirano četrnaest gotovinskih isplata, u ukupnom iznosu od 37.028,80 KM, bez vjerodostojnih knjigovodstvenih isprava. Na blagajničkim nalogima, koji su sačinjeni prilikom isplata gotovine, stranka nije navela osobe kojima su sredstva isplaćena, niti je uz naloge priložila knjigovodstvene isprave kao osnov za isplatu sredstava. Međutim, stranka je nakon preliminarnog izvještaja revizije, u kome je ukazano na ove propuste, dostavila kopije potvrda, na kojima je navela imena i prezimena lica koja su preuzela sredstva i gradove njihovih prebivališta. Provedenim revizijskim procedurama, odnosno nakon pribavljenih izjava od strane fizičkih lica, koja je stranka navela u blagajničkoj dokumentaciji, utvrđeno da novčana sredstva iz blagajne stranke nisu isplaćena tim licima.

Blagajničke evidencije, kao i stanje blagajne na dan 31.12.2015. godine kod Centrale stranke i 10 organizacionih dijelova stranke, iskazane su u iznosima, za koje ne postoje novčani apoeni.

⁶ Zakon o finansiranju političkih stranaka („Službeni glasnik BiH“, broj 95/12)

⁷ U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

⁸ U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

⁹ Politička stranka podnosi finansijski izvještaj u formi koju je Centralna izborna komisija BiH propisala Pravilnikom o godišnjim finansijskim izvještajima političkih stranaka.

(2) Politička stranka nije iskazala trošak zakupnine svog Organizacionog dijela u Gradačcu, iako je nakon Preliminarnog izvještaja revizije u korigovanom finansijskom izvještaju prijavila nenovčanu donaciju Općine Gradačac, u iznosu od 3.600,00 KM. Neprijavlivanjem ovog troška stranka je prekršila odredbe člana 22. Pravilnika o godišnjim finansijskim izvještajima političkih stranaka.

(3) Stranka nije uspostavila evidencije o utrošku sredstva u iznosu od 59.895,40 KM koja su isplaćena na privatne račune sekretara i odgovornih lica nižih organizacionih dijelova stranke, a namijenjena su za finansiranje stranačkih aktivnosti.

Od ukupno isplaćenih akontacija u iznosu od 103.704,16 KM, za finansiranje stranačkih aktivnosti, od kojih je 73.804,16 KM isplaćeno 2014. godine i 29.900,00 KM 2015. godine, stranka je 2015. godine uspostavila evidencije o utrošenim sredstvima od 43.844,76 KM. Iako se, u skladu sa odlukama o isplati akontacija, utrošak sredstva pravda svakog mjeseca, i to do 5 u mjesecu za prethodni mjesec, uz podnošenje izvještaja i računa za nastale troškove, politička stranka nije uspostavila evidencije o utrošku sredstava u iznosu od 59.895,40 KM, niti je u finansijskom izvještaju prijavila troškove u tom iznosu.

U nedostatku dokaza o utrošku sredstava, ista su u poslovnim knjigama iskazana kao potraživanja u iznosu od 59.859,40 KM, čiji je iznos upitan obzirom da popisna komisija, sastavljena od dva člana, nije pravilno izvršila popis. Osim nedovoljnog broja članova komisije, prilikom popisa nije usaglašeno knjigovodstveno stanje potraživanja po osnovu akontacija, sa stvarnim stanjem novca koji se na dan 31.12.2015. godine nalazio kod sekretara i drugih odgovornih lica u nižim organizacionim dijelovima stranke, što potvrđuje činjenica da je politička stranka nakon preliminarnog izvještaja revizije, u kome je naveden propust u evidencijama utroška sredstava, dana 09.08.2017. godine zatražila od odgovornih lica u organizacionim dijelovima stranke da potvrde da su na dan 31.12.2015. godine imali neutrošena sredstva u iznosu koji im je Centrala stranke navela iz knjigovodstvenih evidencija¹⁰.

Politička stranka u svom aktu broj: 284-3/17, koji je Centralnoj izbornoj komisiji BiH dostavljen 10.08.2017. godine, sa dijelom prethodno pomenutih potvrda, navodi da je veći broj sekretara na godišnjem odmoru, te zbog kratkog roka za dostavu dokumentacije, preostale potvrde će biti naknadno dostavljene, što potvrđuje činjenicu da Savez za bolju budućnost BiH - Fahrudin Radončić nije uspostavio tačne evidencije o dijelu troškova, niti novčanim sredstvima, koja je centrala stranke isplatila čelnicima stranke na privatne račune.

c) Bez kvalifikovanja mišljenja skrećemo pažnju na starosnu strukturu obaveza, kao i obaveze stranke prema vlasnički povezanim pravnim licima: Grafičko-izdavačkoj kući „OKO“ d.d. Sarajevo, Avazu roto press d.o.o. Sarajevo, Avazu d.o.o. Sarajevo i Alfi d.o.o. Sarajevo.

(1) Politička stranka je u poslovnim knjigama i finansijskom izvještaju prijavila obaveze u iznosu od 1.093.916,64 KM.

U strukturi obaveza novčane pozajmice, u iznosu od 490.000,00 KM nastale su u periodu od 2010. do 2014. godine.

Obaveze prema dobavljačima iznose 533.245,12 KM, od kojih je 97,55% nastalo prije izvještajne 2015. godine, također, u periodu od 2010 do 2014. godine.

(2) Obaveze Saveza za bolju budućnost BiH - Fahrudin Radončić prema vlasnički povezanim pravnim licima iznose 855.806,84 KM i to obaveze po osnovu novčanih pozajmica u iznosu od 480.000,00 KM, dok obaveze prema tim licima kao dobavljačima iznose 375.806,84 KM.

- Uvidom u starosnu strukturu obaveza prema dobavljačima, utvrđeno je da su prema vlasnički povezanim dobavljačima obaveze nastale prije izvještajne 2015. godine, u iznosu od 337.666,40

¹⁰ Postupak stranke nije u skladu sa računovodstvenim propisima, niti ustaljenom praksom popisa potraživanja.

KM i to: obaveze prema Grafičko-izdavačkoj kući „OKO“ d.d. Sarajevo 209.464,52 KM, prema Avazu roto press d.o.o. Sarajevo 60.026,89 KM, prema Avazu d.o.o. Sarajevo 56.006,28 KM i prema Alfi d.o.o. Sarajevo 12.168,71 KM.

- Obaveze prema pravnom licu „OKO“ Grafičko-izdavačka kuća u iznosu od 209.464,52 KM, nastale su: 2010. godine 46.105,48 KM, 2011. godine 6.861,97 KM, 2012. godine 40.771,43 KM, 2013. godine 7.033,63 KM i 2014. godine 108.692,01 KM.
Obaveze prema pravnom licu Avaz roto press d.o.o. Sarajevo nastale su 2013. godine u iznosu od 13.763,73 KM i 2014. godine u iznosu od 46.263,16 KM.
Obaveze prema Avazu d.o.o. Sarajevo u iznosu od 56.006,28 KM i Alfi d.o.o. Sarajevo u iznosu od 12.168,71 KM nastale 2014. godine.

Troškovi izborne kampanje

Savez za bolju budućnost BiH - Fahrudin Radončić je učestvovao na prijevremenim izborima za načelnika općine Živinice.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹¹ po biraču u svakom izbornom krugu, a prema broju birača koje je objavila Centralna izborna komisija BiH.

Savez za bolju budućnost BiH - Fahrudin Radončić je prema podacima Centralne izborne komisije BiH, a na osnovu broja birača, u svrhu izborne kampanje za Prijevremene izbore za načelnika Općine Živinice mogao potrošiti sredstva u iznosu od 16.088,40 KM. Prema podacima koje je politička stranka iskazala u poslovnim knjigama i finansijskom izvještaju, za finansiranje izborne kampanje utrošena su sredstva u iznosu od 13.580,10 KM.

5.2. PREPORUKE

Preporučuje se Savezu za bolju budućnost BiH - Fahrudin Radončić da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristiti isključivo za ostvarivanje ciljeva utvrđenih svojim programom i statutom,***
- ***da poslovne knjige vodi u skladu sa računovodstvenim propisima, zaključuje glavnu knjigu na kraju poslovne godine, te je zaštititi od naknadnih izmjena knjigovodstvenih evidencija,***
- ***da uspostavi potpune i tačne evidencije o novčanim tokovima gotovine, rahodima i obavezama stranke, te posebnu pažnju posveti vjerodostojnosti i ispravnosti knjigovodstvenih isprava,***
- ***da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i***
- ***da uredi blagajničko poslovanje i vodi računa o vjerodostojnosti dokumenata na osnovu kojih vrši isplate sredstava.***

¹¹ Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR

Savez za bolju budućnost BiH - Fahrudin Radončić se očitovao na Preliminarni izvještaj o pregledu godišnjeg finansijskog izvještaja za 2015. godinu, tako što je dobrovoljno otklonio dio nedostataka u finansijskom izvještaju i dostavio korigovane obrasce, prijavio nenovčanu donaciju, dostavio dokaz da organizacioni dio stranke u Starom Gradu Sarajevo ne koristi poslovni prostor, dok je dio nalaza osporavao.

Neosnovane primjedbe stranke, kao i navode iz očitovanja, koji nisu dokumentovani vjerodostojnim knjigovodstvenim ispravama Služba za reviziju nije uvažila.

Stranka nije dostavila izvještaje sa službenih putovanja sa imenima osoba koje su obavile putovanja, niti potpise odgovornih lica, iako u očitovanju navodi da sa istima raspolaže.

Korekcije finansijskog izvještaja i dokaz da stranka nema neprijavljenih priloga su uvaženi, te su u tom dijelu nalazi revizije iz preliminarnog izvještaja korigovani.

Pomoćnik revizora

Mr.sc. Goran Cicović

Šef Službe za reviziju, revizor

Mr. sc. Hasida Gušić